

補

勤

詩

存

補勤詩存卷之十八

山陰 陳錦 晝卿

可讀山房吟草上

巳巳

陶寫性靈無過於文詞汨沒性靈無過於利祿三  
載吳中得詩獨少非惟公冗也俗類填臆意正不  
在斯耳重上弭臺旣平大亂同人捧檄者擇木而  
栖爭趨吳楚予獨孑然東指力謝繁華比至濟南  
宦味蕭閒湖山清勝公餘展卷大可讀書爲可讀  
山房吟草凡二卷

將至濟南

沙磧十道尾重關近郭峰巒漸似環眾壑西流歸二汶

大河東去避三山十年犯難哀鴻老千里休兵佩犢還  
最是飢鷗閒得慣沖天飛泊水雲灣

題潘茱坡鄧尉讀書圖

爲仕而曰不能讀書者殆非也宋儒作牧令未嘗一  
日廢書國朝陸稼書先生潛心理學家榕門相國  
著述如林其學力精進輒在仕後予從仕途且十年  
所至必據梧屐卷如童蒙入塾然已而體味得失覺  
砥礪廉隅之念痼瘕民物之思與夫危微靜躁之機  
理欲公私之界警發多出是時所謂靜坐然後知平  
日之氣浮古人不我欺也茱坡以孝廉就縣令去夏  
報罷禮試南旋過予博聊戎次覲面卽索近作以爲

是書生結習也今且束裝上京將仕於楚疑亦風塵  
面日矣相逢歷下先出其所作鄧尉讀書圖乞題而  
後及它事憶茶坡今日爲仕來邪一行作吏此事遂  
廢而圖中命意猶是書生此其所以爲茶坡與題句  
贈別並述所見質之

故里湖山百戰經金庭玉柱何青青七十二峯插天起  
松菊自壽巖自靈其中大有讀書子到門喚起梅花醒  
白波翠巘脫塵劫敗壁尙存絲竹音十載滄桑憶吳下  
樓臺燈火寒流螢名園顛倒填國簿假山百疊埋塵腥  
眞山鄧尉獨無恙長恩呵護司書城主人亂後還讀書  
舊夢重結新林亭主人讀書苦不久簡書速駕揚湘舸

汀蘭沅芷故騷雅促裝千里馳蜺旌山光遮道去不得  
牽衣書帶留餘馨別離情重謀縮地秦嘉粉筆圖褒瀛  
翦取吳江半江水元章袖出雙雲英圖成一幀詩一首  
煙霞拂紙奇芬生主人愛山尤愛書圖中畫出伊吾聲  
坐對大編藥庸俗益然書味流鳴琴三冬文史見治術  
弦歌雅化宜昇平讀書到此烏可已具區之水千尺深  
吾儕飢驅誤早歲一官如豆雙鬢星量能不合居關柝  
爲貧而仕非初心書生有用良不易面壁視此常惺惺  
與君隔歲一傾蓋君今尙有長安行相逢快挹岱峯雨  
別後儻寄荆襄吟政成他日早歸隱我亦退老書田耕  
臥遊何用黃山圖故里湖山多洞庭

病足二首

不習吳趨已五年置身物外正翛然足音終竟慙空谷  
重向人閒事執鞭  
脫甲都門再請纓勞勞五馬續東征分明捷徑終南少  
病足蹢躅對客甞

午日書懷

酌取蒲觴破寂寥晝長如歲倦難消折腰楊柳青無力  
照眼榴花紅太驕日動簾波織冰簟風縹香篆膩煙寮  
去年今日千軍賀昨夜黃河水似潮

謂去夏河漲張秋運防掘賊事

槐院風清草木香卜居先覓樹陰涼二分流水緣平地  
四面湖山似故鄉韻事舊聞貂換酒高情時爲鶴愁糧

登臨卻道來何暮  
櫪馬嘶風足已僵

選韻徵詞質短繁  
門前一樹碧無情  
早蟬當午風千咽  
老扈司晨月五更  
舊雨人隨今雨至  
出山泉比在山清  
有書到此大可讀  
馬上歸來髀肉生

逐隊遊蜂報散衙  
野塘新雨聒羣蛙  
畏佳

莊子齊物論  
山林之畏佳

郭象曰大風  
之所扇動也

青亞垂檐木的歷  
紅苞出水花  
鴈雪痕留

雲裏闕燕泥巢定  
客中家年年多事  
杭奇暑一卸征帆

使華

乙丑至今暑  
雨軌在行路

盼家書不至

岱陰獨秀華跗注  
淼晶湖光收夕靄  
新蟾下逐斜陽低  
晴雯一抹橫水西  
往歲軍書多急遞  
鄉音不斷江南寄

羽檄稀疏鷺堞空  
梅花信杳榴火紅  
沈思無俚剔燈影  
庭柯宿鳥呼風醒

宿雨

宿雨喧泉竅  
新晴漾日華  
當階翻芍藥  
隔院落槐花  
鄉味先斟茗  
冰心但剖瓜  
炎雲自來去  
卓午散蜂衙

病裏老將至  
愁邊漏正長  
倦遊三尺劍  
靜坐一爐香  
好

友當良藥

時王臥山書至

新詩潏熱腸  
昔年湖上月  
無此劇清涼

涼

病起卽事

三月苦不雨  
一雨何連縣  
梅子熟將落  
鶉鴒呼林前  
齊壤故廣斥  
足底多飛泉  
坎地不盈尺  
流水來涓涓  
濯纓



與珍珠檻汎出天然浸淫半城郭北流爲長川以之滌  
煩膩衣帶增新妍老壁產碱鹵礎潤腥蝸涎有室脫不  
埽落痕生牀前臨湖信可居卑溼無華塵侵晨聞賣花  
買花先買蓮採蓮蓮心苦買蓮蓮子鮮粒粒秋風租種  
蓮如種田安得日一孟食之清饒涎病起腰腳輒喚渡  
危輕船極目望煙波淡綠輕紅邊定有蘇白隄爲言太  
守賢故鄉西子湖移此自何年

卽事東吳翊卿並呈王春亭同年

作字

一竿晴旭散蜂衙清簟疏簾立畫叉草色未應妨客屐  
樹陰猶是借鄰家自扶燈影風前竹有約湖心雨後花  
三日芸窗閒不埽漏痕釵股篆泥蝸

秋邊風露鬢邊絲鄉味膏騰酒一卮亂裏已拋強仕日  
閒中猶賸讀書時潮生畫堵雨初過涼浸紗櫺月不知  
爭道明湖清徹底滄浪原是濯纓資

廉纖旬日阻遊驄想見新藻出水紅微笑拈花須道力

多情潤物乃天工閉門習靜芟吟草布席消炎息轉蓬

何必乘舟偏見戴綠陰琴語和秋蟲

時約泛湖  
因雨不果

幾回麥飯數淖沱草檄橫刀匹馬過世事要須收拾好  
才名空憶受知多心情半已消磨蝸眉樣重教學畫蛾  
不有到門流水在豈容冠蓋接煙蘿

### 消夏詞

濯纓池上擣衣聲略約橫街曉渚清步履行來渾不信

道旁時有百泉鳴

牆陰徽雨種花時  
百尺高槐日影篩  
密葉當門刪不了  
替人留得挂冠枝

菊苗新插瓦盆秋  
夏果初胎綻石榴  
搭箇涼棚高幾許  
好風相送莫低頭

科頭箕踞謝烏紗  
杜客門前道不家  
玉盃冰瓜香欲冽  
便消狂渴可無茶

睡回窗北近斜陽  
熱盡鴉鑪卮字香  
斗室瀕湖先得雨  
一城明月半城涼

好憑嘉樹作樓臺  
綠陰如雲埽不開  
算到秋深能幾日  
可勝黃葉滿門來

先立秋三日

露下微聞絡緯曉鐘催喚五更雞

鳥鳴五更俗呼爲五更雞

雷聲

動地雨東至月色當天雲四低  
籠竹無心能避熱石蓮有性不  
霑泥漁洋秋柳詩猶在莫向湖  
亭得句題

歷下亭

湖光山色四圍青海右何年有  
此亭荷榭秋心千葉碎蘆花人  
語一舟停危欄倚樹標詩碣短  
堞飛雲上畫屏大半煙波似孤  
嶼句留清夢憶西泠

鐵公祠

名鉉

俎豆青齊五百年凜然高義鵲  
華巔拌將頂踵爭千古官道湖  
山有二天鐵面難回甘鼎鑊金  
戈遺恨咽風泉

補勤詩存卷之十八 六

有明一代存南董正學祠堂合共傳

方正學祠堂在濟甯北門內

北極廟

欲覽全湖勝憑臨百尺臺人煙緣樹密山色隔城來蓮葉青無縫輕舟盪不開鵲華天外碧鬱鬱氣佳哉

匯泉寺

伏地流清濟臨湖一滄然已通觀海路猶是在山泉佛火千頭芋秋風十指蓮老僧食鞭筍爲道種蘆田

小滄浪

點石成邱壑穿渠引芟荷斷碑人不在名士客尤多此地還流水當年三浩歌告君休濯足門外是清河

清河水入湖大

蔣竹雲從戎秦隴就婚汴梁贈行誌賀

馬上相逢憶短鞭  
鵲華秋色又驪歌  
天涯聚散千回慣  
知己如君苦不多

去年今日識荆遲  
百隊弓刀奏凱時  
底事書生重拓戟  
秦關猶有未班師

桂子香迎月裏仙  
洞房花影佇貂蟬  
丈夫自有成名日  
十載遲開並帶蓮

句留五馬爲良宵  
門外鋒車逗玉鐮  
聽說封侯渾不悔  
阿兄原是霍驃姚

票姚之票本去聲唐人作嫖從平音  
按霍官票騎尉不如竟作驃爲妥

委禽曾記一窺簾  
戎服先應識子南  
不道金吾還冠玉  
遠山眉黛潑頭銜

木葉蕭蕭九月礪歸期休誤陌頭春捷書勝似泥金報  
添得燈釵暗卜人

龔謫仁丁筱農兩太守小敘雅鑒齋卽席賦贈  
並呈王春亭同年謝夢星司馬

雪泥鴻爪滿人間消受浮生半日間治望舊推龔渤海  
清談新接謝東山名流幾輩曾縣榻故宅當年憶賜環  
齋爲茅  
宦故居我獨臨風羞落帽鬢邊霜信已成斑

十年戎馬謝封侯寄託麤官息浪遊作賦閒情逢勝地  
銜杯高誼重同舟滿城風雨黃華酒九月湖山落葉秋  
賴有尋詩雙屐在仙宣何必不登樓

重九再贈夢星

磊落無心作冷官

以學博改司馬

長辭苜蓿事征輦池塘春日

溫詩夢絲竹中年感墜歡下筆千言驚草檄操刀一割  
試彈冠論功猶是軍司馬江上琵琶淚未乾

與君同歲仕同方惆悵湖山似故鄉鴻雪天南寧舊雨  
鵲華秋杪凜新霜貂裘貰酒貧爭賀錦字緘愁懷向長  
謝亦悼亡十載滄桑詩卷裏菊花消息又重陽

幾回顚顚問吟魂老輩風流什一存何可登樓無謝朓  
本來叱馭是王尊苦隨人世填門屢還認名山面壁痕  
百事窮愁渾不省忽逢佳客倒芳罇

徐訐卿返自軍中母壽致客

萬里秋風脫戰輦木天清夢戀長安明知親老難辭檄



便是才多亦耐官封鮪何勞他日誠稱觥重敘十年歡  
登堂共舉齊眉案數到萊衣歲月寬

板輿先已迓蒲輪小宋科名不讓人只道烹雌將款客  
由來截髮慣留賓封侯道遠羞輕別得祿情殷恥爲貧  
一第雲泥還分隔毋忘今日忝同寅

明歲尚將  
應禮部試

和謝夢星桂雲酣重九干佛山原韻

登城一望碧孱顏咫尺煙蘿未許攀叢桂香飄青靄裏  
亂峯高入翠微間爲逢佛子拈花坐爭其神僊採藥還  
可是名經題雁塔恰乘佳節叩松關

俯看風葉颺遙村蘭若香煙亂後存絕頂有秋雲母在  
名山無主法王尊蓬萊東去晨光爛嵩華西來暮色昏

浩淼前橫成匹練夫人知是大河痕

隋磴縣崖古怪形陂陀著屐步難停定知片石從天下  
早有千人說法聽出定僧枯香自熱點睛龍去壁猶靈  
任他百度遊蹤密多少深林足未經

肉髻圓光世不磨皈依可奈俗塵何行來天半籃輿窄  
勝那人閒箇簿多看到黃花皆酒債吟成秋柳總詩魔  
諸天此日大歡喜十萬雄師罷兩河

家石芳九姪波羅山館吟草

乾坤清氣難得之詩人筆秋色從西來太華極天碧亭  
亭佳樹陰幽蘭抱文石瘦與野鶴俱黃華淡無色

攜句問明湖湖水清且涼臨風懷古賢寒蘆沒鴻爪天

空獨雁飛木落眾山老置身鵲華巔寓目不在小

秋思

涼夜雨初歇明窗月淡霏黃華扶影淒紅葉帶聲飛詩  
卷寒燈獨音書熱客稀未能辭老病還自贖朝衣  
衣帶圍難減鬚眉點已斑風聲危老屋霜信薙寒山柔  
翰倦猶弄閒愁牢不刪閉門徒索句明日啟重關

寒思偶成

牆陰瑟縮語蟲哀雕鶚盤空乃俊才書抵故人長不答  
酒邀涼客大能來有聲落葉銀缸爛無色黃花玉盃開  
又是一年秋事了故園霜信壓萼臺

江湖十里賣鱸船月黑沙塘蟹殼堅百畝未償鰕菜願

一官空使鮮筒憐早梅山意尋春約秋柳湖光載酒天  
那有年華閒裏過道心濃上藥鑪煙

和李仲衡文秋懷詩用董硯樵太史

文煥原韻

夜讀秋懷吟秋聲一何長皎若中天月流螢慘無光世  
人爭尺寸子心爭尋常一葉高岡梧榮落依朝陽

朝陽明樹頭一夜雨初滴菊花涼更開吟蟲陋在壁白  
雲還晴空遙山出寒碧枕上聞縣泉畫中墮飛石

蜉蝣在雨閒春秋不知數可憐閱世新所賴藏書故抱  
石生幽蘭抑鬱獨誰訴昔者淮南子流連撫枯樹

種瓜迄無日緣木何多求油然赤子心與物無恩讎壯  
也不如人老至夫奚憂雁字橫青天自古宜清秋

草木自零落山川空險巖亦知賢達貴毋爲貧賤疑文章壽者相詩酒福者基不作千古想那有沈吟時子詩當老細我亦知昨非讀書豈不早所謀與願違賤日卻殊眾貴時良不稀被德如被酒醉苦氣力微才名忌人先詩名恥人後月滿與花開高危不可久愧無德功言死後成三朽有時還挂冠拋得湖山否鄉思二千里吾家故山陰忽聞老雁號打起寒螿吟八章秋興詩數點梅花心仰視明月光照人無古今

送袁郢才侍御

方城假旋入蜀

讀罷相如諫獵篇繡衣鐵面見神僊殊勳不讓凌煙閣盛世應無臥雪天偶駐聽蹏逢舊雨獨留鴻爪數名

泉歸程莫叱王尊馭蜀道於今已蕩平

十稔冰銜似水清五車千里載書行蓬萊絕頂日初上  
嵩華當頭風夜鳴萍水有詩叨驥附雲泥無地託鷗盟  
瓊樓玉宇高寒甚想見江湖戀闕情

疊秋懷韻爲李仲衡

秋雲淡如水秋水竟天長清風從何來仰見新月光閒  
花自開落狂吟以爲常有客還叩門寒鴉翻夕陽  
門外一青山山容淨如滴香草當蹊生藤陰蔽牆壁落  
葉飛不紅燈花炮成碧深院老晴天苔痕渴階石  
鐵硯與光陰相磨不知數一笑抵千金新人有時故年  
年露下蟲唧唧愁腸訴喜鵲銜枯枝危巢結高樹

補勤詩存卷之十八

士

物理靜可悟讀書何所求三尺照肝膽千篇工校讎與  
物各自在得心渾不憂颯然佳句來萬籟同一秋

世事多蠻觸此心無險巇古稱賢豪閒舉念常自疑得  
馬亦足喜儉者德所基大笑出門去窮通良有時

白首君猶是紅顏我已非縱然祿升斗毋乃初願違雞  
肋一官乍鮮筒千里稀不學況老至道力尤衰微

苦得才者名盧前與王後清談徒步多索句閉門久文  
章戒得年涉筆思不朽擁鼻向孤燈一字吟安否

我住菊花下君來秋樹陰大斗爲君酌朗聲爲君吟  
耳疾雲羅織錦字鐵語嘔冰心古人如可作長吉猶在今

再疊前韻贈徐訐卿行

胡爲乎江南道路阻且長朝行板橋霜暮行明月光斗  
升不可得飢驅亦何常彈冠容有時印須平王陽  
酌君臨別酒酒乾已無滴讀君留別詩題詩滿齋壁行  
行復行行寒山洗叢碧野鶴喜無糧硯田耕白石  
酒債行不多詩債兀無數少負多才名窮愁豈無故落  
葉當階鳴寒蛩與之訴安得竟讀書年年坐秋樹  
文章論聲價所挾非所求挽弓不挽強萬卷空校讎賣  
賦值千金坐令賢豪夢歸裝須有詩滿載洪湖秋  
在昔萬人軍與君涉險巇生歸豈足賀不死今猶疑動  
與飢寒遇或者勲名基何圖風中雲聚散無已時  
秋色日以老秋光日以非人行紅葉中夢與菊花違君



言遠遊難我言知音稀遙山淡欲滅夕陽明罪微  
飛鴉一何哢萬木新霜後白髮在高堂子行胡可久子  
行猶強年我在况衰朽屈指數歸期寒梅著花否  
寒梅開未開送子秋城陰鴻雁來未來和子秋懷吟和  
子秋懷吟嘔我離別心浮雲海岱開放懷思古今

讀陶詩

雁在青天鶴在陰高山流水伯牙琴文章氣息關天籟  
忠孝風流見道心花下雲來逢酒至樹根秋老有詩吟  
神僊莫問陶宏景修到羲皇歲月深

徙宅

孟母猶三徙盤庚已五遷風前紅葉字霜後菊花天館

僕囊書熟行廚舉火便廿年甘獨客無累亦神倦  
薄宦成孤注中年憚獨居山妻千里至慈母一行書  
穀家曾毀揚雄室本虛不諳由徑寶元自岸門間

前題再得一首答謫人許卿

隱囊紗帽料量頻藥竈茶鐺檢點親折柬會逢招飲客

田雲泉訂  
明日會飲

到門連得送詩人

冀謫人送詩及畫  
徐許卿亦以詩來依然傳

舍何求備不是名卿敢賀貧六載圍鑪無定所最難安

頓轉蓬身

甲子江南乙丑濟甯丙寅回里丁卯重  
至濟甯戊辰入京己巳四月需次歷下

贈左瀛士州牧

宜似

出山雲雨小蹉跎秋水光芒滿太阿頗不樂爲君子黨  
敢云求入獨行科傲霜花木無顏色經世文章耐折磨

畢竟書生還有用吾徒知己本難多

空勞結想企先賢

公爲左忠毅孫崇尙志節

欲作傳人命在天志節

羞稱三代下姓名增重十年前撫躬本自無銅臭任事終須有鐵肩蛇足一官殊寫意好教留締讀書緣

名山壇席兩盤桓造物生才地位寬自有蛟龍得時雨豈容雕鶚畏天寒愴時未免心腸熱握手無如臭味難愧我修名長不立覩然華髮乍彈冠

答李仲衡

柏梁體罕用仄韻仲衡老人自壽詩偶一爲之擇用原韻廣爲六十字藉答來章

瞢騰小睡日當午猛聽天邊動雷鼓臣心似水畫扇戶

水清石出魚可數何來高軒過新宇手持飛函愕僮豎  
敢是乞糧得千鬴白衣送酒滿甕甌開函大笑呼仲父  
老子猶龍論交古歐出心肝見肺腑佳章絡繹來風雨  
我懷格格不得吐雕鶚盤空一何怒兩耳不聞簪與組  
搔首不冠屣與甫瞑目凝思手畫肚素琴無絃在環堵  
延年之花殿秋圃落葉條條拂衣舞瀟湘帝子降北渚  
洞庭始波數星曙風行有聲日色苦老鴉聞天天不語  
詩人到此愁無侶文章有神覓水乳側聞驚坐人獨處  
將往過之鬪談塵濟南名士乏盟主以君爲李孰爲杜  
君固良弓我强弩射人不得先射虎吟詩有癖癖成蠱  
等身之書十年著了了臚官談治譜借日得之亦餘緒

何期風雲事多阻重經滄海遇狂虜死冒烽塵折樽俎  
紅燈草檄馳千羽天假書生試用武長槍大戟磨鉞杵  
軋軋鳴梭錦機女爲人作嫁夫奚取逢時利器輒苦窳  
安得多錢又善賈卽今頭顱已如許右袂先糜伐毫楮  
老撚吟髭刺雙股浩歌當哭顏如土未聞下車辟文舉  
况復臨門送徐孺時徐許卿方之江南似君吟壇振齊魯大筆淋漓  
繼香祖明月可梯天可補老龍無耳狂不瞽李有疾道  
是年華不我與長醉短醒臥醇醑人間紛紛泣儒腐登  
高一呼萬首俯

消寒小飲餞謝夢星之揚州

酒胃詩腸興不孤銜杯今夕趁圍鑪勳名何必耆英會

觴詠無虛雅集圖過眼煙雲橫泰岱山山泉水問明湖  
夜遊金谷慚康樂空挹冰心伴玉壺

十年戎馬望長安舊感新愁把劍看酩酊千回人已老  
琵琶一曲淚初乾管教坐上金尊滿消得天涯鐵騎寒  
底事歸裝偏載雪揚州何遜本梅官

何吟秋授詩圖

何名家琪封邱孝廉授妓靜娘詩

造物生才不世用折節牖下爲文詞可憐索解人不得  
物色漸及名花枝名花解語不解語皮相坐誤千金姿  
青衫司馬空一淚曲終江上琵琶知何生作詩邁古人  
奇句獨出無一時詩成兀自閉門讀四顧不樂吟魂癡  
美人老大抵名士十年一面何遲遲不惟識人且識字

斯才非復吟壇雌雙垂雲髻事北面唾棄珠玉遺容肌  
怪底風神忒傲睨驪黃牝牡同不羈將毋幼慧工閨人  
奇童入塾難爲師何生匆匆促膝坐朗吟洗盡哀桐絲  
皋比不似歌席膩授受而親夫焉辭噫吁嚱明道目中  
本無妓摩詰畫裏時有詩安得有詩有妓縱何生之所  
之

書吟秋新樂府後

名士古時有奇才世不多文章存稗史歲月逼干戈傲  
骨成孤寄深情發浩歌江南哀不了一讀一滂沱  
東海滄波逝南山霧露深十年榮落事一偈去來今風  
雪雙鴻爪雲天片鶴心相逢同恨晚霜鬢我先侵

大地春雷動千山朔雪交  
蒼湖孤月上梅里故鄉遙  
世事弓蛇警雄心握馬消  
本來無礪碓杯酒不須澆

補勤詩存卷之十八



補勤詩存卷之十九

山陰 陳錦 晝卿

可讀山房吟草下

庚午辛未

元夕柬李仲衡並示吟秋何大

老梅早發南山枝雪珠如豆風棱篩寒鳴皦皦塗天北  
彤雲逗撒春冰澌驢蹏凍僵屐齒折訪戴不遇將何之  
瞿然天末思白也呼之不出方賦詩草玄猶自厭枯寂  
問世非復強年時儻來富貴吾何有冬煖而寒年豐飢  
閉門嬾作乞米帖酒債如山長不貲讀書自是真面目  
老大羞作冬烘師兩足不霑城市塵姓名空有賢豪知  
門前積雪寒不埽與人相接以文詞是時人閒正元夕

貴人達官呵道馳我自披衣雪自下忽驚鬢影千銀絲  
禮數豈爲吾徒設思君不置城南陞茗湖之水酒樓杯

徐孺

謂許

之樹何遜

謂吟

梅與君痛飲君勿悲

送左瀛士之修武

兄子子重爲修武令

六月鵬鵬小息時衰翁腰腳倦能支東山不盡蒼生雨  
花縣新分玉樹枝雪後板輿猶子奉夢中春草阿兄知  
好官十世成家法付與河陽良有司

偶別明湖酒一杯飽看嵩少白雲來落殘凌汛水微煖  
遲到春寒花自開千里閒消無事福一官空老不羈才  
莫因小阮稱觴祝久住淇泉棗竹隈

燕脂菴

吾鄉達官某婦悍妒生一子殤妾有子詭言螟蛉者以安至死不得白會祖喪承重婦出妾之子而立從子子爲殤者嗣眾質之妾妾畏死順之遂控郡縣揭部科錯如鐵鑄矣歷二十餘年婦死門下顧觀察爭之仍質諸妾妾曰子固吾出焉憚大婦勿敢承耳乃迎子黔中赴告同官疑案以雪時咸豐癸丑二月也

顧觀察名椿號藹餘

燕子檐前妒乳烏屋下唬駭事出倫常孿子逢悍妻子號一何苦婦言一何怒先夫居達官生兒輒先露姬妾羅後堂終年不一顧呱呱從何來螟蛉抱中路何圖一塊肉本是眞宗支荔挺愛側生結果無人知療妒別無

藥但言妾無兒甯使同根花認作牆外枝乾鵲將雛飛  
春風相護持鷓鴣日在傍破卵無完時子長忽已孤婦  
悍恆不死父喪一子持祖喪百口訾羣小爭宗祧僵桃  
欲代李生者不敢言死者長已矣可憐一脈延危若朝  
露珠登堂攜幼婦一婦已兩姑雙雙拜兩姑道是親肌  
膚不是親肌膚幼婦羞爲夫可堪一蠶尾便逐雙鷓鴣  
掩面別所生所生一語無莫憂生別離各保千金軀大  
哉造物心循環不在早蟾兔有時圓鵲鷓有時老無端  
都下居童顏忽枯槁弔客來虎頭鴈冠出人表苦口雪  
沈冤鴈聲叱牙爪大言妾有兒舊事忒顛倒爲兒問所  
生所生泣而道舉家畏河東生兒不製祿生兒云有兒

母子同不保幸存虎口餘不死驚言巧願馳千里書呼  
兒嗣厥考迺馳千里書迺拯虎口餘迢迢八黔江勞勞  
毛馬車痛哭見所生所生悲喜俱十年失母兒猶是親  
肌膚豈意死生別母子得如初名臣自有後幼婦自有  
夫卓哉烏臺驄毒矣燕脂菟

江夏隸

賊陷武昌江夏令繡麟巷戰不勝退具公服坐堂皇  
時眾皆潰阜隸何斌獨執挺侍賊既殺令叱斌去斌  
曰吾立此柱側十年矣當死此賊射殺之

上有百尺高岡之梧桐下有千年澗底之貞松冑與草  
木同腐紅塵中古今亂萌起俗吏隸也不力罪則同不

圖輓近猶有官忠隸烈之高風惟時粵寇蔓荆楚譁然  
一闔千城空漢江賢令沫血起軍孤戰衄百計窮城亡  
與亡不苟活堂皇危坐嚴軍容環觀左右鳥獸散中有  
一人怒髮衝臣死公家僕死主毅然山立執挺從主亡  
吾復將安往對賊不屈心膽雄廿年柱下吾死所死不  
得所非令終隸首但願觸柱碎隸血但願濺柱紅鮑焦  
抱木無二志朱雲折檻存孤忠至今柱下吐氣成白虹

漢江女

鄂妓青蓮碧蓮者色藝冠時韋賊陷武昌召二人歌  
青蓮以歌板碎賊首賊支解之賊以碧蓮屬其子殊  
寵從至黃州雪夜醉賊乘閒殺之焚其室亦自焚焉

官軍乘變薄城城復其婢小妮得脫爲人言其事張

星伯有詩

博浪椎漸離筑丈夫有仇不得復漢江遊女吞聲哭漢  
江已是虎狼居十萬焦蛾浩劫餘並帶蓮花開不得一  
死倉皇徒塞責蓮花顏色可憐嬌慘舞悽歌笑裏刀霹  
靂一聲檀板脆賊頭幾與花俱碎忠肝義膽出青樓淋  
漓熱血銜精衛一蓮旣萎一蓮開虎帳虞兮薄楚垓雪  
夜三軍將入蔡夫人匕首并州快博得黃山一炬空賺  
他赤壁千船壞明珠作對並沈江望帝飛來夜夜雙百  
戰名城誰發難將軍空擁羽林幢至今歌詠傳江上瀟  
湘一曲纖雲莽夏口潮聲掩抑多千秋兒女英雄雨

金陵士

金陵賊試士以四海之內有東王爲題士有借詩罵賊者僞東王楊秀青怒而殺之不傳姓名

五字蒼涼正氣歌明知虎口殺人多才名莫被文章誤錯認新朝有特科

鐵網搜羅盡畔徒量才玉尺屬萑苻美新歌頌千秋愧無解當年莽大夫

化外偏逢射策場何輸姓氏與豺狼秀才下筆存名義

頸血今須濺大王

罵賊詩有四海皆清土何容此跳梁人猶思北關賊竟有東王之句

王午橋司馬

蔭昌

江上萍痕記

記江南遊自卞塘至會稽禹穴

丈夫四十強而仕寄意天下名山川山川自古數吳會



杖頭預挂遊山篋，鴛湖煙雨西湖月。五泄三竺遙相連，  
劍南坡老恣吟眺。題詠不絕三千年，至今風雅漸衰歇。  
干戈滿目行遶遶，北方健者雙蠟屐。酒酣夢醒思遊僊，  
摩詰能詩故善畫。知章騎馬兼乘船，荷花風裏布帆雨。  
吳謳一曲聞采蓮，六朝煙樹行不盡。深探禹穴窮南天，  
曾稽蘭亭本吾土。少長於此忘嬾妍，雲山最喜對嘉客。  
一番吟賞生新鮮，歸裝載詩不載石。奚囊富有來翩然，  
名流所至悉東道。一時賢達爭周旋，秋風送客留不住。  
陳蕃一去百榻縣，壯哉斯遊足千古。歸來便掩雙扉眠，  
北遊我亦幾萬里。可惜投筆支長鞭，海外行舟見嶽背。  
居庸點點浮蒼煙，天風浩蕩詩膽縮。登高作賦慙時賢，

江上萍痕印雪爪天涯蓬梗飄華顛薄遊同地不一次  
十年一面愁無緣讀君此卷勝讀畫如有佳語大河前  
一官頭白成蛇足萍痕常在煙波邊此中有人呼欲出  
畫圖一幅詩千篇

晚行湖上

苔痕一徑逗牆東杏子黃衫倚短筇林薄暗篴花底月  
酒帘斜帆樹頭風脫絲楊柳腰輕折擁絮青山髻半鬆  
晴過清明渾不礙隔年冰雪已全融

鴨頭新漲菖魚苗禊事重修雅集招蘆花一篙凌汎活  
柳塘千縷雨絲嬌巍臺有寺窺長堞野渡無人橫短橈  
多少風光在流水泉聲喧過百花橋

落齒

嚼雪不知寒嚼鐵不知堅菜根齧爛齏粥鮮宛轉相依  
五十年脣焦舌敝爾猶在祇道從予食萬錢戶樞有時  
蠹滴雷有時穿禹鐘追蠡周觚圓莖豆有時盡馬齒有  
時捫此骨外露非其天髮膚全受本無此陡然一落空  
棄捐被人誤作象齒焚冉冉炊出勞薪煙爾今別我我  
別爾采頤嚙嚙成柔縣隔生相見又黃口從新添著摩  
兜鞬

叶

李采臣方伯同年

元華

官梅圖時秉臬山左

天心計日占來復梁棟殊材出巖谷百戰西風盲塞閉  
一陽生自梅花獨其時羣英方蔚起瀛洲草色黏天綠

逢時富貴誇牡丹介節高人植松竹萬千紅紫鬪芳年  
輭塵十丈迷人目閱盡繁華開謝多桑滄茵溷空相逐  
論功第一數臞僊名重江南又江北門前桃李早成陰  
風流老輩懷冰玉本是朝家調鼎資九天雨露滋培篤  
一樹梅花一放翁畫圖寫出教人讀東閣重新何遜居  
西湖小別林逋屋前身明月舊揚州十年一夢因緣夙  
鐵石心腸慣賦詩冰霜面目羞諧俗卽今移節大東來  
烏華山色秋風肅把酒登樓太白僊獻因在泮泉陶淑  
便從岱頂數齊煙吳門匹練迴眸矚此日烏臺御史驄  
舊時梓里將軍纛隨車時雨灑芳田祥刑釀取和甘速  
添種梅花滿茗湖莖蘭鉏棘深情屬江城五月梅子黃

爲公披圖爲公祝太行移過黃河清後彫松柏年華足

蕉窗倚綠圖

東風一夜牆陰綠急雨橫窗彈剝啄槐花黃老石榴紅  
碧蔭團團障金屋領畧芭蕉是病身芳心不捲倦依人  
十行清露相思淚打頭搖破筠箋脆一紙書成一紙秋  
娟娟涼月上危樓修竹無言同徙倚丁香百結共閒愁  
開簾寒怯薔薇院繞身無數青羅扇密葉疏枝掩畫屏  
綠天深處題詩徧銀燭良宵雙鬢青歸來小影息伶俜  
笑他鹿夢人間滿都似蕉迷喚不醒

五橋招飲鐵公祠遇雨有作

滿城煙樹近斜陽水氣濃蒸響屨廊雲裏山光天作畫

蘆中人語竹同涼蒼然暮色歸林幌歛乃鄉音動野航  
一掬西湖比西子佛頭千髻正凝妝

勞勞憑眺昔賢同到此何曾息轉蓬近水一亭空得月  
祠內有亭名得月 名山千笏自褒忠可堪楊柳依人綠賴有荷

花稱意紅莫向樓臺尋往事閒愁消盡釣絲筒

雨宜晴好費沈吟月上香初古堞陰絕頂風雲多聚散  
百年詩酒要登臨有懷盛地雙鴻爪無限青天片鶴心  
何必沙隄三十里本來城市卽山林

再集湖上和王春亭同年韻

半塘新水雨停後一角遙山雲上初大有詩人來放鶴  
不容名將此騎驢月窺簾影流青瑣風惜花香捲碧蘆

莫怪寒蘆偏繞屋窗前綠滿本難除

排日成吟剛得句經旬修禊恰重逢猜詩暗射春燈覆  
看劍驚飛古匣鋒杯底天光人影在鏡中山色雨痕濃  
歸途鼓枻歌三疊不道南屏已晚鐘

夏雨

悔種芭蕉隔院多熟梅天氣故滂沱高枝冒霧作檐滴  
曲徑流泉生浪渦照壁聲轟知有蜩推窗情怯爲憐蛾  
紗籠燈火三更溼忽聽輕雷枕畔過

周蘊臣明府

忠

故姊貞孝周筠僊寒閨課弟圖

生兒勿喜女勿悲生女何止作門楣阿爺無兒女心戚  
阿弟無兄女淚垂哀哀母氏舉四雌一雌矢志成鬚眉

十年不字貞不字誓執匭杖終庭闈弟夜讀女晨炊田  
荆一樹花葳蕤可憐小草心宛轉依春暉楚楚女貞木  
未秋忽已萎教弟成名女可死申申詈子傳清徽九京  
阿母顏爲開生兒勿喜女勿悲生女何止作門楣

喬柯毓秀圖爲王孝廉

善澤

題

王父爲掾每秋  
試題榜王必與

俱旋得選拔用縣令以父命辭官應甲子鄉舉  
獲雋第六王從容自書姓名於榜人皆器之薦  
師王五橋司  
馬爲作是圖

珊瑚接珠眼獨青棘闥良掾有甯馨親題姓氏登龍虎  
佳話曾從歷下聽

淡墨書來我最先從容捉筆萬人前奪標手段而翁信  
未許牛刀割小鮮



馳書千里勸辭官領取宗邦首藪盤畢竟文章還有價  
榜花高掇與人看

好事稀逢選佛場一堂爭識紫衣郎分明步到蟾宮月  
喬梓同霑桂子香

送給諫畢星樓同年歸京師

岱雲千尺極天寒何幸高車爰鴈冠山色湖光能款客

不應歸臥續袁安

謂袁郢才

老興婆娑託巨螯墜歡重敘舉杯豪忽賡水調京華去  
想見紅雲捧日高

千佛名題桂子天趨朝爭在使車前

時庚午秋闈典試使者正回京師

開軒未便留名士蓋篋初成諫獵篇

星樓掌教濟南書院其地卽古之名

士軒也

講院桐陰落葉飛送君皇路儼征驂臨風話別慙尊酒  
爲道明湖蟹不肥

校場僊蝶

十月三日校射武闌有蝶乘大風墮集几上四足兩翅左翅缺蝕蒼古若

敗葉久視不少動沃以酒良久忽鼓翅上升入風中飛去雋司馬駿聲見之曰太常僊蝶也

十月華林馬射天南園清夢落尊前百年忠孝無凡骨

絕代丰儀有羽僊祇爲承平常起舞獨於詩酒見因緣

舊遊最是匡衡宅猶憶相逢在

日邊

匡鶴泉先生在  
大內屢見僊

蝶今尙  
與往來

江小梅任重圖

圖繪一車載妻  
子自負車轅

兩間絕大扶輪手造物弄人牛馬走肩上乾坤一擔寬

腳跟日月雙銀丸輓推不復借人力長材遠馭何盤盤  
吁嗟乎老驥鹽車垂兩耳如山重負無時已莫作尋常  
轅下看有時一日還千里

張夏道中

踏破巔崕路一條車痕馬迹齧巖腰百年未盡輪蹄鐵  
到此應須一日消

泰巖餘意尙差哉可奈車聲礫礫何難得山容偏蘊藉  
胸中磊塊比人多

山道

幾度辛莊道崎嶇恨未刪風聲盤大隧石影墜方山樹  
杪月初上林扉雲自關冰斲戕馬足前渡一谿環

青蓋因塵重貂裘見雪輕樹陰團野黑山勢到村平老  
病憂長道新詩耐獨行十年征戰地強半不分明

將至夏張

崎嶇行一日薄暮望村墟老樹墨千點落陽紅半盂暗  
塵猶撲面涼露已侵膚况瘁吾滋甚紆遲詈僕夫

行單父憶平捻軍事

雞黍留賢紀里名

雞黍集在縣東北三十里

宰官餘韻必琴鳴風清

冉垌

冉子故里

新虛集月上澹村

滅明故里

舊壘平空使金戈勞

汗馬便張鐵網截飛鯨誰當已亂關天命痛惜王師走

麥城

謂故忠親王

十年轉戰寇方窮擣穴搜巢相度功

會侯辦捻賊自毀雒河老巢查賴臺

保甲徙湖四鎮交屯師古成次以銘軍軍過陽鼎軍軍濟甯盛軍軍周口樹軍軍  
團寓民始四鎮一軍遊擊啟元戎次以李副郎昭慶劉學士秉璋代鎮抽銘盛爲  
彭城爲四鎮一軍遊擊啟元戎次以李副郎昭慶劉學士秉璋代鎮抽銘盛爲  
以逸待勞遊擊鴻溝再畫成天塹豕突連番墮阱中次則李伯帥峻運防北至  
之師鴻溝再畫成天塹豕突連番墮阱中次則李伯帥峻運防北至  
於河南至於淮長濠背水可當師十萬書生籌策幾人  
千里圈賊運東獲勝同後竟以此滅東西兩捻

自商邱之鳴鹿

殷墟原隰自昀昀亂後河山景物新遠樹疏枝細如髮  
隔村茅屋矮於人老梅香破一年臘凍麥青含來歲春  
似此詩情忙裏過斜陽移影落車脣

鳴鹿留別張子久大令

鼎勳

斯地曾經荷戟遊朝歌輻輳古商邱一輪寒旭開冰轍

萬竈新炊近瓦溝襪綫天涯霜齧足鞭絲人影雪盈頭  
津梁間渡尋常事何意追從有仲由子久從子學詩時偕行至鳴鹿  
雕蟲小技愧傳薪莫負書生有用身到處逢人論沆瀣  
可堪依我逐風塵明朝一折梅花別兩地平分柳上春  
揮手自茲留片語加餐努力慰慈親

早發鳴鹿

侵曉驅車出寨門平原盡處見朝暉片雲欲下先垂腳  
遠樹疑無漸有痕土屋黃茅腰撥路地非正站爲腰撥流沙殘  
坵大隄根十年抱病重來此短晷長途日易昏

行經金鄉

夕陽影裏息雙輪古壁燈昏又嚮晨茅店屢聞鵝警夜

梅村先讓鶴知春危城僻處多驕吏驛路欣逢有故人  
襪被單車行得慣廿年前已老風塵

旅館圍鑪賦短章偷閒片刻亦徜徉鞭絲影直月當午  
芻秣聲豪夜正長傳檄已驚星駟馬行厨何用大官羊  
可堪越竟從公遠僮僕歸來道故鄉

感懷詩

垂老終軍未棄繻閒情偏自屬舟車可曾一日不作字  
要替來生先讀書萬事須知中有我兩閒那得地無餘  
卅年道長非容易莫放光陰片刻虛

自金鄉之濟上

一餐雞黍度金鄉北返行程逐日長莊樹有烏先欲雪

碱沙無草不知霜  
新村百戶編豚柵  
故壘千人空鹿場  
薄午焚輪吹面惡  
此身疑坐逆風檣

似聞皇路已清平  
卻說金吾禁夜行  
舊事枕戈殘夢遠  
前驅列戟壯心生  
功名未了嗟長劍  
性命相依在短檠  
我自吟詩天自曙  
板橋霜裏又雞聲

任城玉露庵訪脫塵禪師

兩度來迎大帥幢  
龍文百斛鼎成雙  
菊花開老梅柯穉  
俱養高僧日滿窗

雪行肥城道中

融霜天氣好氤氲  
東望千山結凍氛  
一夕狂飆能代雨  
半空飛雪不關雲  
趁虛人散炊煙起  
賣渡舟橫土岸分



的是今朝春有信

時方立春

麥苗生意忽芸芸

爲許卿徐七題畫

南陔一闋補笙詩服媚祥徵夢裏知抱石無言情信美

出山猶是在山時

盆蘭

牀頭燈火甕頭春疊韻聯吟得句新好趁澆書消礪硯

酒杯端不借他人

酒器

除日自遣

蓼蓼臘鼓早梅天浪擲竿九牛百年服政已居時輩後  
知非偏讓古人先且按行篋償詩債欲寄家書愧俸錢  
廿載狐裘齊相儉滄浪都是濯纓泉

送濟南龔藹人太守

易圖

觀察登萊青道

辛未

驅馬出東門望見車與旂祖餞陳道旁壺漿填路岐借  
問餞者誰海上蓬萊僊爲君立須臾請言太守賢何言  
太守賢往者軍興時赤野罄哀鴻太守實宅之猛虎在  
深山太守赫然怒毋俾餘孽滋千夫伏強弩太守爲濟  
人修爾隰爾眴河伯順其軌慎勿魚吾民太守爲濟人  
蠲爾徭爾賦勿憂旱潦稷船粟吾往哺始時吾濟人進  
鳩而退鵠太守句其生帶牛而佩犢始時吾濟人獷訟  
桎明廷太守字而教一歲釋千圉始時吾濟人談兵如  
談虎太守握兵符師行若時雨吾民謂太守召杜今復  
生大府謂太守臂指流循聲天子謂太守捍海汝干  
城海門日初上閭風與之俱紫氣從東來太守驅使車

太守驅使車吾民勿遮道壺嶠揖羣真板輿奉二老本是王堂人去爲玉皇吏控彼三山鼈屣茲千佛髻爲民留太守 帝命焉可違爲民送太守太守行且歸歸來作風憲太守行不遠指顧專封圻棠蔭大東滿太守別吾民且賦千言詩名士哀和章繡入平原絲太守別吾民且選一文錢父老忍勿悲笑指明湖泉明湖泉水清三年飲湖水置身廉讓閒視民式芳軌

蛛絲吟

蠶絲一何密密者縛其身蛛絲一何疏疏者能縛人空中結繩爲網罟登高舉步覘經綸外圓內方本河洛星躔日度周四垠文人之心機女手爲章仰視天孫雲有

時一落千丈強倒縣不礙文王民莫笑守株偏待兔機  
張九畝漁飛蠶譬若開營陷強敵八陳夜布諸葛軍點  
雨黏珠花綴錦牆頭屋角施迴文春風似虎吹不斷腹  
中尙有絲千斤底事吐絲不成繭吐絲成繭還自焚

喜子吟

喜婦團窠生喜子吐絲繡出圓月輪機中有女坐愁思  
仰見喜母懷歸人南人照壁不喜蝎鸞嬌燕妬良可瞋  
惟爾喜子夜夜巢羅帳爲儂組織成迴文團樂一繭白  
如雪牀頭燈影流青銀釵股當人不得卜明朝喜鵲來  
成羣嗟哉喜子獨不見安得明鏡長無顰

江小梅屬題項幼平所作係赤圖

圖繪一婦人抱子

林林而生聖所孩衆人之母民子來攜持八極乳九垓  
朗抱若月胸襟開啓瞽耳畔哀鴻哀宣尼有言少者懷  
朝廷司牧資羣才學養而嫁慚裙釵斯圖時義大矣哉

江梅卿先生十齡侍讀萱寢圖

六十年前江文通花生筆底稱奇童熊丸一粒篝火紅  
萱幃夜課嚴三冬手持幽蘭立庭中趨庭侍讀何劬劬  
少長摘文學雕龍蜚聲藝苑步南宮

乙未成進士

春官桃李

推詞宗十聯詩句題屏風對揚

天語

宸眷隆九華

春殿辭雍雍驕驕奉使來河東

東河

宣宗朝由銓曹出仕召對稱旨

板輿祿養甘旨供中原一再櫻狼烽滄桑百劫存衰翁  
按羅富有圖書叢心悲養室慈雲空獨餘此圖同化功

循垓執卷長敬其崢嶸頭角炯雙瞳本來面目披圖逢  
風雲百尺生穉松上有亘天之長虹發人孝感愧幼聰  
以詒孫子垂無窮吾公展卷撥塵封內有神僊無蠹蟲  
淚痕掩染丹青濃重加題識寶遺蹤賤子不文執簡從  
爲公拜母兼拜公公今挂冠思扶筇孫雛學語方喁喁  
大人不失赤子容形影敢與兒時同回頭一笑視飛鴻  
六十年前江文通

時以文郎小梅仕  
山左引退就養

彭星橋種蘭鉏棘圖

玉皇僊吏蓬萊住閉戶著書還種樹甘棠餘蔭徧花封  
解組十年不歸去主人手提鴉觜鉏長養蘭芷芟薜蘿  
禾許良田雜稂莠毋俾草澤存荏苒當年治譜書上考

薤惡由來如薤草卽今樹木同樹人午橋莊裏槐陰好  
吁嗟乎莠良同是天所生辨不早辨成榛荆眼前尺地  
人不治坐令蔓草滋門庭讀公斯圖開茅塞我心大有  
芝蘭室綠滿窗前自不除閉門種樹還著書

補勤詩存卷之十九